

Oqaasiliortut Ataatsimiinnerat
Pingasunngorneq apriliip aappaat 2008 nal. 13.00
Ilimmarfimmi Oqaasileriffiup ataatsimiittarfiani.


Peqataasussat: Eva Møller Thomassen, Ellen J.Karlsen, Stephen Heilmann aamma Carl Chr. Olsen
Allatsi: Katti Frederiksen
Abia Abelsen peqquteqarluni peqataanngilaq

Oqaluuserisassatut siunnersuutit:

1. Tikilluaqqusineq
2. Kingullermik ataatsimiinnermit imaqarniliap akuerineqarnera
3. Taaguusersuinermit taaguutit akuerineqartussat nangeqqinneqarneri
 - definition aamma analyse kalaallisut taaguutaat uterfigeqqinneqassapput
 - Lisathe taaguusersuisarneq pillugu ippigisaminillu saqqummiilaarniarpoq
4. Saaffiginnissutit suliaartallit:
 - a. **Brillehæmatom**

ass. Der er kun skader i ansigtet. Der ses brillehæmatom under begge øjne.
 - b. **Klinisk konference**

ass. I forhold til tildeling af yderligere frihedsgoder afventer dette konklusionen på et klinisk konference, der forventes afholdt i marts 2008.
 - c. **Aktiv pædagogisk tænkning**
 - d. **Ledelsessekretariatet, Personaleadministrationen** il.il.
5. Oqaatsit katersat
6. Allat



Inussiarnersumik inuulluaqqusilluta

Carl Chr. Olsen

Siulittaasoq

Katti Frederiksen

Allatsi

- 1.aamma 2.pillugit -


Oqaasiliortut siulittaasuat Puju tikilluaqqusereermat Lisathe M.Kruse taaguusersuuserinermi taaguutissat pillugit ilaatigut kingullermik aalajangiunneqartut pillugit ippigisaminik saqqummiussilluni aallartippoq, taamaammat imaqarniliap akuerineqarnerani immikkut erseqqissaatigineqarpoq ataatsimiinnermi 26.marts 2008 oqaluuserisat pingajuanni taaguusersuuserinermi taaguutit aalajangersaaffigalugit ingerlanneqartut, sulilu naammassinngitsut, immikkut pineqarnissaat. Tassa imaappoq taaguusersuutit aatsaat tamakkerlugit aalajangersaaffigineqareerpata tamatumani akuersineq piumaartoq.

- 3.pillugu -

Lisathep saqqummiussinermini annertunerusumik taaguusersuuserinermi taaguutit qanoq paasisariaqarneri assersuusiortarluni erseqqissaateqarfigai, ilaatigut oqallitilernermik kinguneqartartumik. Taaguut Begreb-imut kingullermi ataatsimiinnermi paasinneriaatsimik taaneqarsimasumut paasinninneq-mut taarsiunneqarpoq, taamaattorli aamma 'isummap imarisaa' imalt. 'begreb' siunnersuutinut ilaallutik.

Lisathep ilanngullugit eqqartorpai omfangsdefinition aamma

indholdsdefinition taakkualu qanoq imminnut ataqatigiinneri, taamatuttaarlu



aamma definition med indre cirkel aamma definition med ydre cirkel,
helhedsbegreb, del-helheds-relation, typerelation aamma begrebsrelation.

Saqqummiussereernerata kingorna aalajangiunneqarpoq Lisathep nassuiaatit
assersuutillu saqqummiussai pappiaranngorlugit Oqaasiliortunut

ingerlateqqinneqassasut, taamaalilluni aamma taaguutit taaguuserniarneri

oqinnerumaamik paaseqatigiissumillu ingerlanneqarsinnaaniassammata.

- 4.pillugu -

Saaffiginnissutit suliassartallit aalajangiivigineqartut:

a. Brillehæmatom – **isilerfikkut aagialitserneq**

b. Klinisk konference – **Napparsimasunik misissuisarneq pillugu**

ataatsimeersuarneq

c. Aktiv pædagogisk tænkning – saaffiginnittumit nassuiaateqartitsinissaq
pisariaqartinneqarpoq. Flavia saaffigineqassaaq.

d. Ledelsessekretariatet – **Aqutsisoqarnermi Allattoqarfik**

Personaleadministrationen – **Sulisoqarnermut Pisortaqarfik**

Økonomi - og planlægningsafdelingen – **Aningaasaqarnermut**

Pilersaarusionermullu Immikkoortortaqarfik.


Økonomi - og planlægningschef – **Aningaasaqarnermut**

Pilersaarusionermullu Pisortaq

Sekretariats – og personalechef – **Allaffeqarnermut Sulisoqarnermullu**

Pisortaq

Logistikchef – Aaqqissuussinermut Pisortaq




- 5.pillugu –

Oqaatsit katersat suli tikinneqanngillat, tassunga peqqutaavoq taaguusersuuserinerit maanna ingerlatat amerlaqimmata. Taamaattorli naatsorsuutigineqarpoq maanna suliaasut taaguusersuuserineri taaguutit naammasseriarpata aallartinneqarsinnaajumaartut.

- 6.pillugu –

Saaffiginnissut alla uniffilersuisarnermut Kalaallit Nunaatalu allanneqartarneranut maleruagassanut atuuttunut tunngasuvoq. Apeqqutigineqarpoq oqaaseqatigiiliornermi uiguutit annerit atorineqartillugit oqaatsip uiguummik annermik ilallip siornani uniffeqartassanersoq. Tassunga atatillugu ima akineqarpoq: tamatigut taamaattoqartanngilaq, oqaaseqatigiit qanoq inissisimaneri aqqissugaanerilu apeqqutaapput, tassa ima paasillugu uiguummik annermik atuinerup uniffiliinissaq ingerlaannartumik malitsigisanngilaa..

Apeqqutip aappaa Kalaallit Nunaata allanneqartarneranut tunngasoq maannamut malittarisassat atuuttut malillugit nuna Kalaallit Nunaat pineqartillugu angisuumik aallaqqaaserneqartassapput, piginnittorsiutilerneqarneratigulli malittarisassat malillugit angisuumik allanneqartassanani. Tamannali Oqaasiliortunit eqqarsarnartoqartinneqarmat tullissaani aalajangiivigineqartussatut ingerlateqqinneqassaaq erseqqinnerusumillu malittarisassaliuunneqassalluni. Assersuutigalugu ataqqinnippalaartumik, pingaartitserpaluttumik kiisalu tulluussimaarutiginninnermik imalimmik Kalaallit Nunaat angisuunik



aallaqqaasiuserlugu allanneqartarnissaa ornigineqarpoq, soorluttaaq aamma tuluttut Homelands taamatut pineqartartoq.

Ataatsimiinnissaq tulleq pissangatinneqarpoq pingasunngorneq 30.april

2008 nal. 10.00 Oqaasileriffiup ataatsimiittarfiani

Inussiarnersumik inuulluaqqusilluta

Carl Chr. Olsen

Siulittaasoq

Katti Frederiksen

Allatsi